



Sud Bosne i Hercegovine

Суд Босне и Херцеговине

Broj: Su-08-165/19

Datum: 19.06.2019.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-163/19 od 18.06.2019. godine u postupku javne nabavke usluge oglašavanja za LOT 1 - usluga oglašavanja u dnevnim novinama koje su registrovane u Federaciji BiH – 79341000-6, donosim

ODLUKU

o izboru najpovoljnijeg ponuđača za nabavku usluge oglašavanja za LOT 1 – usluga oglašavanja u dnevnim novinama koje su registrovane u Federaciji BiH

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-163/19 od 18.06.2019. godine i Ugovor za nabavku usluge oglašavanja za **LOT 1 – usluga oglašavanja u dnevnim novinama koje su registrovane u Federaciji BiH** - oznaka i naziv iz JRJN: **79341000-6** (Usluge oglašavanja), dodjeljuje se ponuđaču „**Avaz-roto press**“ **d.o.o. Sarajevo**, sa sjedištem na adresi Tešanjaska 24a, a ponuda ovog ponuđača broj: 707/19 od 31.05.2019 godine za ponuđenu cijenu od **1.485,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**Avaz-roto press**“ **d.o.o. Sarajevo** po proteku roka od 10 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge oglašavanja za LOT 1 – usluga oglašavanja u dnevnim novinama koje su registrovane u Federaciji BiH broj: Su-08-138/19 od 16.05.2019. godine. Javna nabavka je provedena putem konkurentskog zahtjeva za dostavu ponuda broj: Su-08-150/19, a procijenjena vrijednost javne nabavke bez PDV-a je 2.560,00 KM bez PDV-a. Obavještenje o nabavci objavljeno je na portalu javnih nabavki pod brojem 243-7-2-12-3-24/19 od 30.05.2019. godine sa tenderskom dokumentacijom. Krajnji rok za dostavu ponuda je 10.06.2019. godine do 12.00 sati.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge oglašavanja za LOT 1 – usluga oglašavanja u dnevnim novinama koje su registrovane u Federaciji BiH. Komisija je blagovremeno i pravilno izvršila javno otvaranje ponuda dana 10.06.2018. godine i sačinila Zapisnik sa otvaranja ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajući zapisnik u kojem je utvrđeno slijedeće: da su blagovremeno pristigle 2 (dvije) ponude od ponuđača Avaz-roto press d.o.o. Sarajevo i Oslobođenje servisi d.o.o. i ocijenjene prihvatljivim u skladu sa tenderskom dokumentacijom. U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „**Avaz-roto press**“ d.o.o. Sarajevo izabran primjenjujući kriterij najniže cijene koja je ponuđena u iznosu od **1.485,00 KM** bez PDV-a dok je ponuđač „**Oslobođenje servisi**“ d.o.o. Sarajevo ponudio cijenu u iznosu od **2.523,56 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.



PREDSJEDNIK SUDA

Ranko Debevec

RD